

Table 1. Mean (SD) age, height, weight, and body mass index (BMI) of the 100 children in the study

Measure	Mean (SD)
Age (years)	10.1 (0.5)
Height (cm)	145.2 (10.1)
Weight (kg)	38.5 (10.2)
BMI (kg m ⁻²)	18.6 (3.2)

the children were asked to perform a series of tasks designed to assess their ability to perform a range of physical activities. The tasks were performed in a series of three trials, with the children being asked to perform the tasks as quickly and accurately as possible.

The first task was a 100-m sprint, which was performed on a flat, grassy area. The children were asked to start from a standing position and to run as fast as they could for 100 m. The time taken to complete the sprint was recorded to the nearest 0.1 s.

The second task was a 200-m sprint, which was performed on a flat, grassy area. The children were asked to start from a standing position and to run as fast as they could for 200 m. The time taken to complete the sprint was recorded to the nearest 0.1 s.

The third task was a 400-m sprint, which was performed on a flat, grassy area. The children were asked to start from a standing position and to run as fast as they could for 400 m. The time taken to complete the sprint was recorded to the nearest 0.1 s.

The fourth task was a 600-m sprint, which was performed on a flat, grassy area. The children were asked to start from a standing position and to run as fast as they could for 600 m. The time taken to complete the sprint was recorded to the nearest 0.1 s.


The fifth task was a 800-m sprint, which was performed on a flat, grassy area. The children were asked to start from a standing position and to run as fast as they could for 800 m. The time taken to complete the sprint was recorded to the nearest 0.1 s.

The sixth task was a 1000-m sprint, which was performed on a flat, grassy area. The children were asked to start from a standing position and to run as fast as they could for 1000 m. The time taken to complete the sprint was recorded to the nearest 0.1 s.

The seventh task was a 1200-m sprint, which was performed on a flat, grassy area. The children were asked to start from a standing position and to run as fast as they could for 1200 m. The time taken to complete the sprint was recorded to the nearest 0.1 s.

The eighth task was a 1400-m sprint, which was performed on a flat, grassy area. The children were asked to start from a standing position and to run as fast as they could for 1400 m. The time taken to complete the sprint was recorded to the nearest 0.1 s.

The ninth task was a 1600-m sprint, which was performed on a flat, grassy area. The children were asked to start from a standing position and to run as fast as they could for 1600 m. The time taken to complete the sprint was recorded to the nearest 0.1 s.



催夫毆傷保正跳河淹死顯有藉差逞兇致死
情事不便擬以二罰殺

刑部會看得劉繼成毆傷全超跳河淹死一案據直
督楊 疏稱緣劉繼成充當快役與保正全超素無
嫌隙乾隆三十三年七月間河水漲漫前縣令親詣
搶築全家灣堤岸當差書役李寬劉繼成前往附近
村庄僱夫防險初八日劉繼成赴全超家令其僱夫
十名全超應允至初九日劉繼成因各處之夫俱抵
工所惟全超應僱之夫一名未至向其索夫全超以

村人現在收割莊稼無人充夫之言答覆劉繼成詈罵全超回詈劉繼成拾取柳枝毆傷全超肩甲胳膊等處全超族兄全紹見而拉勸全超乘空逃逸跳入河內全紹追至用扁担引救全超拉住担頭欲行上岸劉繼成離河尙遠未見全超業已拉住担頭疑其站立河灘著水嚇唬隨拾土塊向擲冀其上岸全超受驚鬆手溜入深水淹斃將劉繼成依圖殺律擬絞具題查此案劉繼成毆傷全超跳河又復拾土向擲致令淹死之處細核案情當劉繼成僱夫之時全超

以村民現在收割回覆並非無故抗拒劉繼成輒行
毆罵向毆致傷多處全超並未還毆等語紹見而拉
勸自應彼此解釋全超何至畏懼跳入河內及全紹
趕援該差劉繼成不惟不幫同撈救反拾土塊向擲
以致全超受驚鬆手溜入深水淹斃其中顯有藉差
逞兇有心致死情事今依鬪毆殺人律定擬率多牽
混應令再行妥擬到日再議乾隆三十四年 月

日奉

旨依議

借銀不遂將人毆死應照圖財害命斬決

刑部會看得陳十一圖財毆死陳萬托一案先據湖

撫方疏稱緣乾隆三十二年十二月初二日午後

陳萬托之兄陳萬中挑米赴劉鑑一舖內交納劉鑑

一量收清楚陳萬托聲言兌銀後欲往姊夫家探望

陳萬中急圖回家礮米先歸行至南河港見陳十一

負秤前走遂與同行陳十一詢問來由陳萬中具述

其事陳十一因歲底乏用卽告知欲向伊借銀陳萬

中覆以不能借給而去陳十一隨進陳代明舖內吃

烟適陳萬托經過隨向陳萬托告貨復因纏借不休
互相詈罵陳萬托用扁担欲毆陳十一卽用所攜秤
錘毆傷陳萬托左眼角眼胞陳萬托抵頭向撞陳十
一抓住陳萬托髮辮用秤錘毆傷陳萬托頂心及偏
左二處陳萬托推跌陳十一倒地覆壓身上陳十一
將身滾壓陳萬托脊背用秤錘毆傷陳萬托腦後左
右並髮辮三處旋即殞命陳十一驚惧欲逃因憶陳
萬托帶有銀兩卽於陳萬托身邊摸獲銀一包而回
驗訊不諱查陳十一因向借貸不允致相爭鬧毆傷

斃命取其身邊銀兩初無圖財害命有心致死情事
自應仍照鬪殺本律科斷將陳十一依律擬絞具題
經臣部查審斷命案仍照本律科斷者必其初並非
因財起意殺人遇見財物因而取者方可援引此例
今此案陳十一先因途遇陳萬中詢知伊弟陳萬托
身帶米銀故意逗遛中途等候迨遇見陳萬托卽隨
往無人處所疊毆斃命取銀而逸則於逗遛等候之
際早已爲財起見且聞初供屍兄陳萬中並克首陳
十一俱並無有等候借銀之語迨覆訊時始有此供

其中顯有捏飾再查原驗鉄器七傷俱係致命若峰起鬪毆曾被推跌豈有兩人互毆而克犯獨無一傷之理且陳萬托既已立時毆斃猶不卽驚慌逃竄細摸屍身取銀而逸種種情節事前先知有銀與殺人後偶見財物之例迥不相符該撫遽以審無謀命情事照鬪殺律問擬碍難牽覆應令再行妥擬到日再議題駁去後今據該撫將陳十一改依圖財害命律擬斬立決應如所題陳十一合依圖財害命得財而殺死人命者擬斬立決例擬斬立決乾隆三十四年

月 日奉

旨陳十一着卽處斬餘依議

毆姪誤傷旁人致死應照誤殺擬絞

刑部會看得佟萬舉戳傷尤三身死一案先據

盛京刑部侍郎朝等咨稱緣佟萬舉許借尤三穀種

三升尤三往取適佟萬舉執刀穿靴刺耳繩令伊姪

佟二小量取借給尤三佟二小不肯佟萬舉隨即責

罵佟二小出言頂撞佟萬舉氣忿立起欲行責打忘

放手中小刀尤三上前按住佟萬舉兩肩甲攔勸佟

萬舉隨用手將尤三往後一推不意手中小刀戳傷

尤三左肋次日殞命訊供不諱將佟萬舉照過失殺

人律收贖等因咨部當經臣部查過失殺人者必實
係目耳所不及思慮所不到方可准鬪殺律收贖若
因鬪毆而誤殺旁人者仍以鬪殺論律義分晰甚明
此案佟萬舉固未與尤三爭角亦並無戳死尤三之
心但手中有刀向推戳斃難言耳目所不及思慮所
不到未便以過失殺定擬應令該侍郎再行妥擬到
日再議咨駁去後今據該侍郎等將佟萬舉擬絞具
題應如所題佟萬舉合依鬪毆而誤殺旁人律擬絞
監候佟二小照子孫違犯教令律杖一百乾隆三十

四年 月 日 奉

旨 修萬舉依擬應絞著監候秋後處決餘依議

所見集
卷三
書

竊賊挾嫌主使殺人部改斬候聽從下手之犯
發附近充軍

刑部會看得陽穀縣馮見白主使劉五等扎傷張印
身死一案據東撫富疏稱緣馮見白與張印籍隸

壽張本無仇隙乾隆三十三年十月初五日馮見白
赴裴城寺趕集途遇素識之東昌府人吳二各道貧
難馮見白知崔麟趾家裕起意行竊吳二允從卽於
是夜二更餘時同夥二人齊抵事主門首踰牆進院

挖孔入室竊得衣服等物回至馮見白家收藏初八

日馮見白携贓赴當爲張印窺見馮見白吳二將當
錢俵分崔麟趾報縣因與張印同窓交好適張印之
兄張君重赴崔麟趾家探望崔麟趾訴知被竊情由
免其訪查張君重歸告張印張印聲言會見馮見白
持衣質當遂同赴典查係被竊原贓轉告崔麟趾同
往認明崔麟趾指名控縣差拿馮見白聞風逃逸止
將當贓起獲傳主具領馮見白曾在河南西華縣覓
工與貨郎趙會吉熟識十二月初一日馮見白在鄆
城縣劉家口會上撞遇趙會吉詢知生理折本屬尋

投向是晚偕至馮見曰家中沽酒共飲又有范縣劉五亦與馮見白相識是因索欠路過該庄時已薄暮前赴馮見白家借宿馮見白留住同酌酒罄出沽適遇張印與李成甫推車趕集而歸在張五魁舖內坐歇馮見白觸起前嫌思欲毆打因手上生瘡不便舉動回向趙會吉劉五聲言遇伊仇人糾約幫毆洩忿趙會吉劉五詢悉前由未允馮見白卽以日後被獲供扳之語恐嚇趙會吉劉五無奈允從馮見白分給鉄鎗各一桿引領同行追至馬家莊廟後張印推車

前行李成甫跟隨馮見白先向張印喝罵叱令趙會吉等動手趙會吉持鎗扎傷張印右腿肚張印棄車轉身趙會吉復扎其右臙肋張印自向前蹉李成甫將趙會吉扯住劉五上前鎗扎張印左腿右臙肋倒地馮見白等奔回逃逸李成甫將張印背負回家行至陽穀縣郭家庄傷重殞命審供不諱將馮見白依律擬絞監候劉五等擬以流杖具題查馮見白係行竊脫逃經官緝拿之犯嗣該犯在劉家口遇見張印反敢挾告知事主之嫌輒逼令劉五趙會吉將張印

用鉄鎗扎傷身死實屬兇惡該撫將馮見白照依威
力使主人毆打致死擬絞尙覺情重法輕應改爲擬
斬監候秋後處決照例刺字劉五趙會吉聽從賊匪
馮見白用鉄鎗將張印連扎致斃亦屬強橫劉五趙
會吉均應照兇徒執持兇器傷人例發近邊充軍乾
隆三十四年 月 日奉

旨馮見白依擬應斬着監候秋後處決餘依議

工人疑賊誤砍工主身死依共毆人致死絞候

刑部會看得泰安縣彭之名等疑賊誤砍張允燮身

死一案先據東撫富疏稱緣彭之名係張允燮雇

工並無文契與張允燮素無嫌隙乾隆三十三年六

月初六夜張允燮獨睡樓上有賊爬牆上樓張允燮

驚覺起捕潛逃初七日彭之名在張允燮家傭工張

允燮之父張立慮賊復來隨約彭之名併張允燮張

國忠張知命張國烈幫同防夜均各允從先後赴張

立家共宿三層樓上張允燮彭之名睡卧西間張允

耀張國忠張知命睡卧中間張國烈睡卧東間張立
自睡二層樓上是晚天大風雨二更時分張允燮聽
聞响動一面喊賊一面開西間樓窓蹲於窓臺向外
瞭望彭之名聞聲接喊携刀起視見西窓已開並有
人影蹲踞疑係賊人卽用刀砍傷其左後肋張允燮
負痛聲喊其時張允耀張知命張國烈先已聽聞喊
賊正在執刀趕至樓內人聲樓板樓內風聲一時响
聲嘈雜彭之名不能聽出張允燮聲音又復用刀砍
傷其偏右張允燮仰跌進樓不能言語彭之名止疑

賊拒捕復砍傷張允燮右脰張允耀張國忠接踵趕上均疑是賊張允耀用刀砍傷其右肩甲張國忠用刀砍傷其左肩甲張立聞聲持燈往視始知伊子被砍彭之名等各將刀撩棄愧恨疑賊誤砍訴知張立等嗣張允燮甦醒張立趕至樓上詢問張允燮亦將伊蹲立窓臺瞭望彭之名疑賊誤砍情由述知伊父伊已昏暈詎張允燮傷重次早殞命審供不諱查此案張允耀張國忠砍傷張允燮左右肩甲傷非致命惟彭之名砍傷張允燮致命偏右傷深至骨自應

以彭之名當其重罪將彭之名照罪人不拒捕而擅
殺例擬絞監候張允耀等擬杖具題臣部以此案彭
之名等因幫同張允燮防賊張允燮於是晚二更聽
聞風雨聲响一面喊賊一面開窓踰踞向外瞭望彭
之名見有人影卽以爲賊用刀疊砍致斃細核案情
彭之名係張允燮家雇工是夜又與張允燮同房睡
宿旣因張允燮喊賊起捕何反將張允燮誤砍卽或
黑暗忙促未暇致辨迨張允燮被砍喊痛張允耀等
隔房睡卧尙能聽聞彭之名近在身傍豈有因風雨

間通連未隔協同防夜斷無平空混砍之理其爲疑賊誤砍無疑又彭之名將張允燮砍傷偏右翻跌入樓在張允燮雖已受傷深重而彭之名等尙疑係賊亦不知傷痕深淺惟恐賊人起身拒捕因而各以刀砍情亦可信又據屍父張立供稱張允燮受傷本係昏暈但非當時身死實係甦醒之後向述誤砍情由查張立與張允燮情關父子若有起衅別情焉肯扶同捏飾所供自非虛假將彭之名改照共毆人致死律擬絞監候張允耀等照原議擬杖具題應如所題

彭之名應照共毆人致死律擬絞監候該撫前疏內
稱張允耀刃傷總麻服兄律應加等但犯時不知應
同凡論合依餘人律杖一百張國忠刃傷小功服弟
應依聽從尊長毆卑刃折傷以上本法照餘人律減
二等杖八十均應如所題完結乾隆三十四年

月 日奉

旨彭之名依擬應絞著監候秋後處決餘依議

因姦故殺二命並非一家請卽正法

刑部議覆蘇撫薩 題通州民殷八髻子與李嚴氏

通姦因氏被搶持刀戳死李公寶錢四二命一案緣

殷八髻子與李嚴氏隣近居住通姦情密乾隆三十

四年八月內李嚴氏之夫李元方病故遺有子女殷

八髻子常與李嚴氏家姦宿醜聲外揚比有李嚴氏

故夫堂弟李公寶李之義等住居隔遠聞知李嚴氏

孀居不謹于十一月初一日同至李嚴氏家相商接

回同居否則擇人改嫁李嚴氏不允李公寶等曾言

另日再接而回迨殷八髻子至李嚴氏家氏以李公寶等接伊同居并另改嫁之情告知囑候李公寶等再來接時令其勸阻殷八髻子應允十八晚李之義同李鶴相錢四至李嚴氏家強欲接回李嚴氏不允時已初更李公寶等卽強拉李嚴氏而走李嚴氏同子李大叫喊救命殷八髻子聞聲攜帶防夜木柄長刀趕出見人拉氏前行忿其強接不能姦宿頓起殺機追近李公寶身後用刀戳傷李公寶右臂倒地李鶴相李之義放手避開錢四又上前拉扯李嚴氏復

賊殷八髻子迎面微傷錢四上唇吻錢四轉身欲走

殷八髻子復用刀戳傷錢四脊脊跌地殷八髻子令

李大扶母回家自亦持刀而歸詎李公寶錢四傷重

移時殞命報州驗訊不諱查該犯致死二命並非一

家應從一科斷殷八髻子除與李嚴氏通姦輕罪不

議外合依故殺律擬斬監候刺字李嚴氏擬以枷杖

具題查例載故殺人者斬監候等語今殷八髻子與

李嚴氏通姦情密因李公寶等欲行接回該犯忿其

不能常相姦宿頓起殺機用刀戳傷李公寶錢四身

死雖非一家但因姦故殺二命情罪較重應請

旨卽行正法以儆淫惡該督旣稱嚴氏訊止約令勸阻並無預謀致死情事合依軍民相姦例枷杖應如所題

完結乾隆三十五年

月

日奉

旨殷八髻子著卽處斬餘依議

共毆人致死餘人刃傷部改徒罪

刑部會看得樂安縣王法孔等砍扎王有成身死一案據東撫富疏稱緣王法孔與王太昌均係王有成無服族弟同住素無嫌隙乾隆三十四年八月三十日王有成幼子王小義年甫十一在王太昌門首頑耍因王太昌家犬吠王小義拾磚撩打經太昌斥詈王小義歸告伊父王有成王有成不甘前赴王太昌門首理論嚷罵適王法孔攜帶翻餅鉄笏自坡宅掘蘿蔔而歸路過查問王太昌告知情由王法

孔理斥王有成不應護子王有成詈其多事王法孔
回詈王有成卽拾磚打傷王法孔顙門王法孔亦用
鉄簽毆傷王有成左腮腴王太昌慮及王法孔受虧
見伊祖母手持菜刀在於門首砍削秫稽將刀奪過
自後砍傷王有成髮際王有成轉身抵敵王太昌又
連砍其額顙顙門王有成將刀格落王太昌趨避王
法孔亦轉身欲回王有成追毆王法孔用鉄簽向後
一扎希圖嚇退扎傷王有成臍肚倒地移時殞命訊
供不諱將王法孔依律擬絞監候王太昌擬杖具題

應如該撫所題王法孔合依共毆人致死下手致命
傷重者絞律擬絞監候再疏稱王昌太合依餘人律
杖一百王小義打狗被罵歸告伊父致肇衅端亦有
不合但年止十一伊父已死非命應免置議等語王
太昌用菜刀砍傷王有成髮際額顙顙門等處驗係
刃傷自應按律定擬王太昌不應如該撫所擬依餘
人律杖一百應改依刃傷人律杖八十徒二年餘應
如所題完結乾隆三十五年 月 日奉

旨王法孔依擬應絞著監候秋後處決餘依議

受賄頂克因銀未得翻供並非畏法自首仍照
例一律擬絞

刑部會看得王阿冷毆死王老祥羅阿業受賄頂克
一案先據貴撫良疏稱緣王阿冷與同佃王阿樹
羅阿業等往山收穫王老祥謂其越界前往爭阻王
阿樹卽與爭鬧王老祥持担向毆王阿樹亦担毆王
老祥臂膊王阿冷上前解勸王老祥執担向打王阿
冷奪担毆傷王老祥額顱偏左倒地越日殞命王阿
冷慮及抵命往求羅阿業代認寫立字約許給銀一

百兩羅阿業應允相驗時代爲承認該州訊出羅阿業頂充代認情由將王阿冷擬絞羅阿業擬流具題經臣部查羅阿業聽從王阿冷賄囑頂充當已錄供通報在案後因王阿冷所許銀兩日久未給心懷不甘於署州覆審時據實供出是該犯因銀兩無獲忿激翻案並非悔過畏法實與自首不同該撫疏內旣云係署州訊出頂充情由又云較之經官審出者有間前後矛盾未便率覆應令將羅阿業一犯再行審擬到日再議今據貴撫宮將羅阿業依例擬絞監

候具題應如所題羅阿業合依奸徒得受正克賄賂
挺身頂充照本犯之罪一律全科例擬絞監候乾隆

三十五年

月

日奉

旨羅阿業依擬應絞著監候秋後處決餘依議

自羅兩業於羅縣落網於新縣大館為鄰

三十年

月

日

時值直與照本非之罪一事全係因熟盜誤判草創
為具懇懇收也照羅兩業合於我縣縣受五更鼓報

疑賊趕拉擲石失跌溺斃問絞抵

刑部會看得陳元輔舉石嚇擲致陳國棟自行跌溺身死一案先據調任湖北巡撫梁 咨稱乾隆三十五年五月初九日晚陳國棟攜帶行李并鑼鼓等物來至渡口向何華山搭船何華山詢其來歷據稱白河城內現有熟人何華山卽帶陳國棟往查並無認識陳國棟之人欲投保報官陳國棟願出甘結何華山應允次早陳國棟寫就結稿交於何華山收存陳國棟隨卽挑負行李而去適有王自登詢悉前情起

意追捕邀同該地更夫陳宗華趕至河邊王自登上
前攔住去路陳宗華在後拉住陳國棟衣服陳國棟
掙脫丟棄行李跑入河中比陳元輔聞聲趨至陳宗
華令其往拉上岸陳元輔下河亦因水深不能前進
遂於河底拾起石塊嚇擲陳國棟往後一退失跌深
處溺水身死將陳元輔比照互相毆傷後下手理直
者減本罪二等律於絞罪上減二等杖一百徒三年
王自登等擬以杖責等因咨部經臣部查此案陳國
棟之死雖由於跌而失跌之由究係拾石嚇擲所致

正與鬪殺律相符卽陳國棟果係匪人亦有罪人不拒捕而擅殺之條况陳元輔等並無應捕之責而陳國棟是匪是良已據查無確証該撫將陳元輔擬徒殊多未協應令該撫再行確審按律妥擬具題到

日再議等因咨駁去後今據該撫陳疏稱遵駁覆

審陳國棟是否竊賊並無確據陳元輔等亦無應捕之責不便照罪人不拒捕而擅殺問擬陳國棟之死雖由於跌而失跌之由究係拾石嚇擲所致正與鬪殺律相符將陳元輔擬絞王自登等擬以枷責等因

具題前來應如該撫所題陳元輔依關毆殺人律擬絞監候秋後處決王自登陳宗華應照不應重律杖八十再加枷號一個月可也爲此恭疏具題
伏乞

皇上聖明睿鑒訓示施行謹題請

旨乾隆三十六年五月 日奉

旨陳元輔依擬應絞著監候秋後處決餘依議欽此

鄰人幫捕竊賊誤傷事主駁改圖殺絞候

刑部題會看得陳廷煥疑賊銃傷陳業身死一案先據福撫鐘疏稱緣乾隆三十五年閏五月初四日

半夜陳業之兄陳崧聽聞家內猪隻叫聲知係被竊起來查看失去猪隻隨同陳業喊追維時陳廷煥聞有喊聲因門外欄內亦蓄有猪羊恐致被竊遂起身取銃出門巡查適陳崧陳業追賊轉回陳業先行上坡陳廷煥於黑暗中望見人影疑係竊賊放銃驚嚇中傷陳業咽喉胸膛等處旋即殞命將陳廷煥比依

罪人不拒捕而擅殺律擬絞監候具題經臣部以
此案被殺之陳業實係事主未便指爲罪人行令再
行研訊按律妥擬具題到日再議題駁去後今據福
撫余將陳廷煥改依鬪毆殺人律擬絞具題前
來應如該撫所題陳廷煥改依鬪毆殺人律擬絞監
候秋後處決乾隆三十七年五月二十五日奉
旨陳廷煥依擬應絞着監候秋後處決餘依議

見姦婦與本夫角口往勸毆斃本夫部駁不無
因姦殺害情事

刑部題會看得潘文科毆跌彭金貴身死一案據湖
撫梁 疏稱緣潘文科籍隸芷江遷居永順種地與
彭金貴熟識無嫌彭金貴之妻彭氏母家與潘文科
隣近乾隆三十五年六月內彭文科適遇彭氏歸寧
乘間調戲成姦嗣後遇便姦好被氏母秦氏撞見禁
絕往來至三十六年三月十四日彭金貴携鋤同妻
彭氏赴岳家幫工次日歸家行至牛角山邊潘文科

在彼割草喚令喫烟彭金貴因彭氏敲斷烟袋斥責
頂撞彭金貴卽用鋤柄向毆彭氏跑避仍復趕打潘
文科上前解勸拉住彭金貴轉身向潘文科毆打潘
文科將刀背格傷彭金貴額顛跌下山坎磕傷腦後
旋卽殞命潘文科將屍身拖放山溝適彭氏走回見
而哭問情由欲歸告父母報官潘文科嚇禁聲張將
屍掩埋遂扯彭氏赴巖洞躲藏至夜帶氏潛回暫避
以便伊在家冀圖賄和卽於是夜前抵芷江嗣經屍
弟彭金武查獲兄屍報縣獲犯審認不諱將潘文科

依律擬絞監候彭氏擬以枷責具題查審擬命案

必須究明致死根由不使稍畱疑竇方足以成信讞

此案潘文科先與彭金貴之妻彭氏通姦迨後途遇

彭金貴夫婦喚令吃烟彭金貴因彭氏敲斷烟袋向

毆潘文科上前解勸彭氏跑避彭金貴遷怒轉向潘

文科毆打潘文科隨用刀背抵格致傷彭金貴致命

額顱立斃其命潘文科卽拉彭氏藏躲巖洞至夜帶

同彭氏回家轉輾送至原籍細核全招潘文科與彭

氏屢次在山場行姦而毆死本夫彭金貴處所又卽

在潘文科山土地內若謂彭金貴夫婦僅以敲斷
袋口角事本細微彭氏何致遠避卽潘文科上前解
勸又何至突行狠毆查閱原驗額顱一傷重至損骨
死在登時絕非抵格致傷者可比且彭氏懼責躲避
諒不甚遠當彭金貴被毆身死時豈有不相見聞直
待潘文科將屍拖放山溝始行轉回之理卽云地在
曠野彭氏被潘文科嚇禁不敢聲張迨拉躲岩洞潛
與回家轉輾送至原籍芷江事隔十餘日之久而潘
文科住居復與彭氏母家相近該氏果有不忍致死

伊夫之心何難隨地鳴報伸冤乃竟甘心隱忍聽從
拐逃若非屍弟尋屍故控直令沉冤莫釋如謂拐逃

一節係潘文科欲圖賄和則何難送氏回家就近向

屍親人等調處乃竟埋屍滅跡將氏拐匿他鄉該犯

更欲向何人賄和况供招俱係一面之詞毫無証據

其中不無因姦殺害本夫拐逃姦婦情事乃該撫將

潘文科擬依鬪殺彭氏止科姦罪種種疑竇碍難牽

覆應令該撫再行詳審務得實情按例妥擬具題到

日再議乾隆三十七年五月 日奉

旨依議

金刃戮傷致命原謀雖故免抵照例擬軍

刑部題會看得劉酉戮傷鄒金二身死一案據江西撫海疏稱緣劉酉係劉拔一家僕劉拔一族衆有

公共土名虎形山塲向禁砍伐乾隆三十八年八月

初二日鄒金二族人鄒豹至劉姓山內剗取草皮被

劉拔一族人劉端劉洗七撞見將草藍踏破鄒豹隱

忍初三日鄒豹在墟撞遇劉端挑煤路過鄒豹將煤

担拉住索賠草藍劉端不允角口當經黃敖二勸散

隨後劉端挑煤回家由鄒姓巷口經過鄒豹瞥見復

將劉端煤担奪去劉端歸告伊父劉享四不甘邀同
劉酉劉洗七等往討煤担囑令各帶器具毆打洩忿
劉酉等允從各帶刀棍至鄒姓屋前嚷罵鄒金二聽
聞卽取禾鎗走出回詈用鎗戳傷劉洗七項頸劉酉
見劉洗七被傷舉刀格護劃傷鄒金二頂心偏右鄒
金二舉鎗回戳劉酉以刀連格又劃傷鄒金二頂心
偏左並額顛鄒金二以鎗戳傷劉酉左手中指劉酉
負痛用刀戮傷鄒金二咽喉殞命訊認不諱查劉享
四因鄒豹奪去伊子煤担起意糾毆應照原謀律杖

流業已在監病故應毋庸議將劉酉減等擬流劉享
二等擬杖具題查劉酉聽從劉享四同行刀戮鄒金
二身死今原謀劉享四病故准其抵命劉酉應減等
擬流但該犯持刀戮傷鄒金二頂心等處實屬兇器
傷人未便僅擬流罪應改依兇器傷人例發近邊充
軍仍追埋葬銀二十兩給付屍親收領劉享二劉洗
七鄒豹均照不應重律杖八十乾隆四十年三月初
二日奉

旨依議

所見集

卷二十六 人命

置同殿及故殺人

用滾水淋傷多處致死部改故殺

刑部會看得易方玉用滾水淋傷吳張氏身死一案

據湖北撫陳疏稱緣易方玉與吳張氏繼子吳盛

明素相孰識吳盛明邀易方玉等七人共起一會各

出高梁一石已得會者還一石五斗後易方玉得會

吳盛明共欠易方玉高梁三石一斗五升乾隆三十

八年十一月十六日吳盛明已還九斗餘未清還二

十一日吳盛明牽驢過易方玉門首易方玉強將驢

隻留住逼令清還二十二日吳盛明背送黃豆四斗

作抵高粱五斗下欠一石七斗五升易方玉仍將驢
隻扣住二十三日吳盛明之母吳張氏赴易方玉家
索討易方玉不理至晚將門關閉張氏情急卽于門
外石上槌頭致傷額顙右額角接連右太陽等處經
易方玉之媳葉氏扶張氏至牛欄內安歇二十四早
易方玉外出至中午回家張氏見而叫罵易方玉酒
後氣忿卽將張氏兩手用籐條反捆張氏用腳亂蹬
小衣蹬落纏於脚上易方玉卽行扯去將兩腳縛于
木馬上進屋提取滾水兩罐淋傷張氏肚腹偏右並

臍下偏左接連產門及左膀腿臂肱肘等處殞命屢
審不諱將易方玉比照故用蛇蝎毒蟲咬傷人因而
致死律擬斬監候具題查易方玉因吳盛明欠伊高
梁扣驢作抵伊母張氏往索輒敢捆其手足扯去下
衣縛于木馬之上用滾水淋傷臍肚等處多傷致死
係有心欲殺易方玉不應如該撫所題比照故用蛇
蝎毒蟲咬傷人因而致死律擬斬監候合改依故殺
者斬律擬斬監候秋後處決乾隆四十年六月十八

日奉

旨易方玉依擬應斬著監候秋後處決餘依議

欠工錢牽猪作抵部改鬪殺

刑部會看得鄭繼周毆傷王姓身死一案據川督文

疏稱緣鄭繼周開飯店生理乾隆三十九年八月

初二日有陝西民人王姓投宿伊店欲行工作鄭繼

周雇令割草議定每日工銀四分並未立約議限王

姓先支用錢五十文割草堆放山坡二十一日王姓

向鄭繼周支錢鄭繼周許俟將草搬回再行給發二

十二日夜王姓將鄭繼周猪隻私行牽走二十三日

行至唐生有門首議價售賣鄭繼周知覺携棍尾追

併以王姓偷豬向唐生有告知王姓爭鬧鄭繼周氣忿用木棍毆傷王姓脊脅併右後肋經唐生有勸住將王姓同猪隻俱交鄭繼周領回行至中途王姓坐地不走出言詈罵鄭繼周復用刀背打傷王姓左前肋右脇肋殞命報驗審認不諱將鄭繼周依擅殺罪人律擬絞具題查鄭繼周因欠短雇割草之王姓錢文未償王姓牽其猪隻抵欠並非偷竊鄭繼周追毆傷斃實屬鬪殺未便照擅殺罪人科斷應將鄭繼周改依鬪毆殺人律擬絞監候秋後處決乾隆四十年

八月初三日奉

旨鄭繼周依擬應絞著監候秋後處決餘依議

原謀在家自縊亦准抵償免手不准援減

刑部題會議得單文舉等共毆徐振受傷身死併董
文玉畏罪自縊身死一案先據直督周 疏稱緣單
文舉董文玉俱籍隸豐潤董文玉向充馬兵均與寶
坻縣民徐振素不識認乾隆三十八年四月十五日
豐潤鎮廟會宋三與馬九馬十及任二杜集兒單文
舉與徐老五胡國榮等一同赴彼進香宋三旋即回
家馬九等均在間遊適有同村居住之劉進良亦赴
廟燒香因人衆難行向任二等挨擠任二向其理論

劉進良混罵任二同馬十向其撲毆劉進良用手架格至傷馬十眉角任二用拳毆傷劉進良左後肋倒地併用脚踹傷其左太陽連腮腴處所馬九聞知遂邀同杜集兒單文舉赴彼尋毆劉進良馬九等尾追適徐振趨至詢悉前情卽行袒罵時董文玉在彼聽聞斥責其非徐振仍罵不休董文玉喝令毆打徐振先向杜集兒撲毆杜集兒用拳毆傷徐振右眼胞併揪住髮辮往下揪按徐振彎腰用手抓住杜集兒兩肋衣服用脚向踢杜集兒又用拳毆傷其左脇董文

玉由徐振身後用脚踢傷其腎囊倒地單文舉亦踢傷徐振右肋右脇徐振卽昏迷不動馬九疑其假裝亦用脚踢其右腿兩下而散詎徐振傷重殞命董文玉聞知畏懼卽於十九日投繯殞

人認不諱查杜

集兒所毆徐振右眼胞色僅青赤亦不深重其董文玉所踢徐振腎囊雖係致命處所但係速死之傷如果深重自必死于當時何能延至一日有餘且並未損壞腎子而單文舉所踢右肋左脇傷亦致命多而且重是徐振死于單文舉踢傷無疑自應以單文舉

當其重罪但查喝令助毆傷重之董文玉旣已畏罪
自縊則後下手之單文舉自應免其再擬抵償將單
文舉依共毆下手擬絞人犯遇有原謀助毆之人監
斃病故者准其抵命下手之人減等擬流例援

赦減徒等因具題臣部以首先喝令復又助毆傷重之
董文玉因聞徐振被毆身死畏懼自縊殞命並非監
斃在獄亦非解審中途病故輒將下手傷重人犯單
文舉減等擬流與例不符題駁去後今據該撫周

疏稱查此案董文玉因見徐振詈罵河東村衆心生

不平喝令單文舉等併自行共毆將徐振毆傷後聞
徐振因傷斃命旋即畏罪自縊身死雖非監斃在獄
亦非解審中途病故但究係於事未發之先因徐振
身死恐到官受罪所致是主使首禍之人業已自縊
一命已有一抵將下手之人從輕末減似于法亦無
枉縱仍將單文舉依例擬流不准援減具題應如所
題單文舉合依共毆下手擬絞人犯果于未決之前
遇有原謀及助毆傷重之人監斃在獄與解審中途
因而病故者准其抵命下手之人減等擬流例應杖

一百流三千里查該犯事犯到官雖在乾隆三十九年四月二十九日清理刑獄

恩旨以前但情節較重不准援減該督前疏內稱馬九杜集兒均照餘人律杖一百任二應照不應重律杖八十劉進良應照手足毆人成傷律笞三十查該犯等事犯到官均在乾隆三十九年四月二十九日欽奉
清刑

恩旨以前馬九杜集兒任二劉進良等所得杖笞等罪均請援免等語應如該督所題完結乾隆四十年閏十

月二十二日奉

旨依議

因姦共毆致死明係妬姦暗蓄殺機以斃其命
不便以共毆定擬駁案

刑部會看得孫九月等砍傷裴宗雨身死一案據直
督周 疏稱緣孫九月與裴宗雨鄰村素識乾隆三
十八年間有劉浪叫借裴宗雨家閑房居住旋即外
出裴宗雨卽與劉浪叫之妻尹氏調姦已非一次裴
宗雨族叔裴二得于三十八年三月二十二日亦與
尹氏調戲成姦至五月內裴二得復至尹氏家欲續
舊好適被裴宗雨撞見村罵而散三十九年四月內

劉浪叫因住房倒塌卽携租孫九月家閑房居住孫
九月乘劉浪叫外出與尹氏姦好劉浪叫均不知情
迨八月間劉浪叫因裴宗雨將房修好仍搬回居住
裴二得前往尹氏家探望被裴宗雨瞥見詈罵裴二
得欲毆洩忿孫九月亦因往看尹氏被裴宗雨撞見
辱罵至十一月十六日裴二得赴陳村觀劇見素好
之孫九月候叫顧劉川頭在彼看戲告以屢受裴宗
雨欺侮欲圖毆打洩忿囑令幫助孫九月因亦被裴
宗雨辱罵遂與候叫顧等應允迨至旁晚孫九月與

裴二得等尋至村外時已更餘見裴宗雨在外行走

孫九月趕上揪住衣領裴宗雨出言詈罵蹲身拾磚

向擲孫九月閃避未中遂抽出腰內鉄斧砍傷裴宗

雨顙門額顙偏左骨損倒地裴二得亦拾磚毆傷裴

宗雨左眼左腮腴等處殞命孫九月卽拔小刀同鉄

斧分給候叫顙等逼令各扎屍身候叫顙隨接小刀

在裴宗雨屍身左眼根左眼胞連扎兩下劉川頭亦

接刀扎其左耳根兩傷裴二得卽令孫九月等帮同

將屍抬至村北撩棄井中各散審認不諱查孫九月

用斧砍傷裴宗雨顙門相連額顙偏左係屬致命且傷至骨損倒地裴宗雨確係孫九月砍死無疑將孫九月依律擬絞具題查審理命案必細核當日致死情形訊供定罪方成信讞此案裴宗雨裴二得孫九月均先後與劉尹氏通姦裴二得因被裴宗雨撞遇村罵懷恨圖毆洩忿邀令孫九月侯叫顙劉川頭等幫助孫九月因往看尹氏被裴宗雨辱罵積有嫌隙一聞卽允孫九月携取柴斧插入腰內同裴二得等于起更後見裴宗雨飲醉行走孫九月先行揪住卽

抽斧向砍致傷其顙門連額顙偏左骨損殞命查裴
二得謀毆之時糾約已有四人豈慮裴宗雨力大難
敵乃孫九月輒復回家携斧防身一見裴宗雨卽首
先揪其衣領用斧砍傷致斃又商同棄屍滅跡是該
犯等妬姦斃命若非先有成謀卽係孫九月懷挾夙
嫌暗蓄殺機以斃其命均須嚴訊明確援情定擬未
便僅以裴二得謀毆而于挾嫌克砍之孫九月不復
覈究真情遽引共毆定案事關人命碍難率覆應令
該督再行嚴訊實情按律妥擬具題到日再議乾鑒

四十二年七月初一日奉

旨部駁甚是依議

父先鬪毆子帮毆致死父非因子造衅同行助
勢部改不應加等

刑部題會看得松滋縣民張其瓏毆傷張茂才身死
一案據湖北撫陳疏稱緣張其瓏係張茂才無服
族弟同村居住素好無嫌張茂才有田一坵坐落謝
家橋與張其瓏堂弟張孔章之田毗連中以水溝爲
界乾隆四十年十月十七日午後張茂才同父張純
修在田工作張孔章亦在彼耕田因張孔章越界耕
過水溝張茂才理論彼此爭鬪張孔章祖母劉氏並

母陳氏上前勸解張茂才卽將劉氏推跌時劉氏之子張哲仁在鄰田鋤草見母被推近前幫護拾起趕牛竹鞭毆傷張茂才右腮腴接連太陽張茂才欲向奪取張哲仁將竹鞭丟棄隨揪扭張茂才衣領張茂才亦抓住張哲仁髮辮互相扭結滑跌田內張純修上前相幫將張哲仁揪按被張哲仁拳傷右眼張純修仍用兩手幫擎張茂才乘勢爬起騎壓張哲仁身上用手亂毆張哲仁喊罵值張哲仁之子張其瓏挑柴路過趕赴救護卽持扁挑毆傷張純修右膀張茂

才起身向奪扇挑張其瓏情急復舉扁挑打去致傷
張茂才頂心偏左經謝相岱勸散張純修隨將張茂
才扶回投鳴鄰人張盛榮等欲行報官經張盛榮等
勸止次日張盛榮等復邀張純修等各照契約窖石
立界並勸張哲仁延醫調治嗣張純修見子傷痕沉
重復投甲長戶族抬縣稟驗押取保幸延醫調治詎
張茂才傷重延至閏十月初五日早因傷殞命報縣
驗訊通詳飭審招解屢審供認不諱查張哲仁先毆
張茂才右腮腴接連太陽係屬輕傷惟張其瓏後毆

張茂才頂心偏左傷至抵骨實屬致命傷重應以張其瓏擬抵張其瓏除毆傷族伯張純修輕罪不議外應依律擬絞監候張哲仁擬徒張孔章擬杖分別減免具題應如該撫所題張其瓏合依同姓服盡親屬相毆至死者以凡論共毆人因而致死以致命傷爲重下手致命傷重者絞監候律應擬絞監候秋後處決該撫疏稱張哲仁除拳毆族兄張純修輕罪不議外其毆傷無服族姪張茂才右腮肋連太陽應照餘人律杖一百該犯係張其瓏之父雖非同行助勢但

父子共毆致死應照新例
孔章雖訪無助毆情事但
不應重律杖八十但事犯

一曰

恩詔以前張哲仁徒罪應減爲

章杖罪寬免張純修子張

按並將張茂才違例拾驗

非命從寬免議兩造謝決

越界佔耕再滋事端等語

加一等杖六十徒一年張
悞耕肇衅亦屬不合應照
在乾隆四十一年五月初

杖一百折責四十板張孔

哲仁等扭結之時幫同肇

殊有不合姑念其子已死

飭令各照契界管業無許

查定例父兄子弟共犯殺

傷等案如子弟起意而父兄同行助勢者視其本犯科條以次遞加一等等語原指子弟起意爲首父兄助勢同行者而言此案張哲仁因張茂才推跌伊母用鞭向張茂才毆打被張茂才騎壓亂毆伊子張其瓏挑柴經過見而救護毆傷張茂才身死將張其瓏按律擬抵是張哲仁原係先向鬪毆之犯並非因子張其瓏爲首造衅同行助勢自應仍照餘人問擬令該撫誤會成例以父子共毆將張哲仁照餘人律加一等擬徒殊未允協應將張哲仁仍改依餘人律杖

疑賊毆死捕賊之人不應擬流駁案

刑部題會看得倪新賢疑賊擲傷孟文德身死一案
先據山東撫楊疏稱倪新賢居住孟文德屋主洪
從智屋後乾隆四十年九月二十一日夜二更時洪
從智聽聞犬吠恐有賊人喚令孟文德開門出視由
宅西繞至衚衕倪新賢亦聞犬吠在衚衕巡視因各
處犬吠不絕疑有竊匪卽在門首竊聽適孟文德等
走至黑暗莫辨疑係賊人卽拾石向擲致傷孟文德
臍肚聲响蹲地殞命將倪新賢比照鬪殺律擬絞減

流具題經臣部以此案孟文德係鄰居捕賊之人倪
新賢不問情由輒行擲石殞命使孟文德果係竊賊
則倪新賢亦應照罪人不拒捕而擅殺律擬絞今以
捕賊之平人被毆身死反不如不拒捕之賊人尚得
以鬪殺律論抵情法均未平允等因題駁去後今據
該撫疏稱訊據倪新賢供稱該處係偏僻衙時已
二更無人行走又聞犬吠心疑竊賊隨拾石向擲不
期悞傷孟文德身死等語委無另有起衅別情但孟
文德究係被擲身死自應卽照鬪殺論罪將倪新賢

改依鬪殺律擬絞具題應如所題倪新賢合依鬪
殺人律擬絞監候秋後處決乾隆四十二年六月十
二日奉

旨倪新賢依擬應絞着監候秋後處決餘依議

[illegible]

因瘋赶走人牛被衆人毆死外擬共毆致死部
改捕人多於賊人改照擅殺

刑部會看得會同縣民蔣懷遠砍傷林如材身死一

案據湖南巡撫顏 疏稱緣蔣懷遠與林如才隔里

居住素不認識並無嫌怨林如材染患瘋病醫治未

痊因止言語糊塗尙未生事未經報官鎖鑰乾隆四

十二年二月十八日林如材瘋發出外十九日行至

鵝田冲適蔣懷遠有黃牛一隻牧放冲內林如材將

牛赶走經蔣懷遠之伯看見當卽喝罵林如材不理

蔣懷遠之伯蔣永勝隨喊令蔣懷遠追趕某時蔣懷遠在屋劈柴卽携帶柴刀喊同族姪蔣勝德雇工閻斯祿帮趕蔣勝德等各携柴棍由鵝田冲追至狗咬上半坡望見林如材一人徒手牽牛蔣懷遠卽從小路抄至前面攔截喝罵蔣勝德等從後追上林如材瘋發心迷聲稱係伊家牛隻將索拉住出言混罵蔣勝德在林如材背後用棍毆其右後肋右腿林如材轉身欲毆閻斯祿亦用棍毆其右腮腋林如材用手專棍閻斯祿復毆傷左手腕林如材越肆辱罵蔣懷

遠趕攏欲拿林如材卽將蔣懷遠衣服扭住蔣懷遠
隨用柴刀砍傷林如材頂心林如材不卽放手蔣懷
遠復砍傷其偏右倒地林如材舉脚撩踢蔣懷遠又
砍傷其左臙肋旋即不動蔣勝德等趕牛回家告知
伊伯蔣永勝囑令抬回問明報官比蔣懷遠同弟蔣
位恒及蔣勝德等往看林如材業已殞命蔣懷遠起
意私埋蔣勝德應允隨回家携取墳索等物轉至屍
所與蔣位恒蔣勝德閭斯祿四人將屍抬至三宗頭
山上挖土掩埋嗣因林如材之叔林德玉見伊姪不

回偕林如材之兄林顯材赴彼尋訪蔣懷遠聞知恐
事敗露投保報縣經林德玉等認明實係林如材屍
身錄供通詳屢審供認不諱此案林如材因瘋發出
外混趕蔣懷遠之牛不特林德玉等供吐確鑿併有
唐添明見其在陳家亭過夜語言不明可証卽蔣懷
遠等追趕攔截林如材徒手牽牛出言肆罵全無畏
懼並無竊賊行徑不得謂之罪人且事在白晝林如
材僅止一人蔣懷遠蔣勝德閔斯祿三人追捕何難
力擒乃輒砍毆致死應以鬪毆定擬查蔣勝德棍毆

林如材右後肋右腿胛斯祿棍毆林如材右腿腓左
手腕均係不致命輕傷蔣懷遠刀砍林如材致命頂
心偏右重至捐骨當卽倒地又復砍其左臙肋其爲
蔣懷遠刀砍致死無疑蔣懷遠除起意移屍埋葬業
經自行首告不議外應依律擬絞監候蔣勝德等擬
杖援免具 題前來查捕人多于賊犯倚衆共毆及
恃強逞兇致斃者仍照罪人不拒捕而擅殺律擬絞
監候等語此案林如材牽趕蔣懷遠牛隻雖非有心
偷竊但業經將牛趕走卽已有偷竊情形蔣懷遠等

與林如材素不認識原不知其素有瘋病見牛被趕去認爲竊賊直前追捕惟不立擒送官輒倚衆共毆復因掙扭刀砍致斃實屬擅殺自應以擅殺罪人科斷蔣懷遠不應如該撫所題依共毆人致死律擬絞監候合改依捕人多于賊犯倚衆共毆及恃強逞兇致斃者仍照罪人不拒捕而擅殺律擬絞監候例擬絞監候秋後處決該撫旣稱蔣勝德門斯祿聽從抬埋係因人連累已據蔣懷遠自行首告律得免罪其在場助毆應仍照本律定擬蔣勝德門斯祿均合依

餘人律杖一百事犯在乾隆四十二年五月初二日
恩赦以前蔣勝德等杖罪應請援免林如材染患瘋症林
德玉等未經報官鎖錮殊屬不合但林如材並未傷
人應請免議蔣位恒幫同抬埋蔣永勝知情容隱但
經蔣懷遠自行首告無庸置議等語查林如材之叔
林德玉兄林顯材明知林如材患有瘋病並不報官
鎖錮究屬不合未便因其並未傷人竟置勿議林德
玉林顯材均應照不應重律杖八十事犯在乾隆四
十二年五月初二日

恩詔以前均應援免餘均如該撫所題完結乾隆四十三年二月十二日題十四日奉

旨蔣懷遠依擬應絞着監候秋後處決餘依議

抱人嬰孩哺飯噎死棄於井內比照以他物置
人孔竅中至死擬絞監候

刑部題會看得盧姜氏擅抱姜名達嬰孩哺飯噎死
一案據浙撫莊疏稱盧姜氏賦性痴愚伊父姜約
林與姜名達貼鄰居住姜氏歸家路由素識之蔣楊
氏門首進內閒談楊氏言及伊孀母轉嫁胡單魁家
無子戲令覓抱他人之子與單魁撫養姜氏應允卽
回伊父姜約林家姜氏知姜名達新產一孩走過姜
名達家中欲向討取適姜名達夫婦外出家內無人

惟見甫生二十一日之嬰孩在床姜氏卽將嬰孩抱
至姜約林家置於無蓋米櫃之內姜名達回家尋覓
喊叫姜氏不敢抱還又因嬰孩失乳啼哭姜氏念其
腹飢隨取飯嚼哺欲止其哭不虞嬰孩吞噎氣閉殞
命姜氏心慌無措卽將孩屍丟入門外井內迨後姜
名達尋查甚急姜氏指引往井尋看姜名達隨向姜
氏追問卽吐實情控縣屢審不諱將姜氏比照他物
置人孔竅中致死律擬絞監候請

旨定奪具題查例載律例無可引用援引別條比附者於

疏內聲明恭候

諭旨遵行等語今據該撫疏稱盧姜氏誤聽人言擅將嬰孩抱取因欲止其啼哭餵飯氣閉殞命並非有心致死亦無設方畧誘取畧賣情事與誘賣不從因而殺人之律不符但欲止其啼哭輒餵飯致噎身死亦非過失可比查飯雖非傷人之物但業已致人於死應如該撫所題盧姜氏應比照以他物置人孔竅中至死律擬絞監候秋後處決恭候

諭旨遵行乾隆二十六年八月十一日奉

旨姜氏依擬應絞著監候秋後處決餘依議

持銃打鳥被人奪銃誤傷旁人駁改過失殺收贖銀兩遇

赦不免

刑部會議得永安縣民陳天漢銃傷吳維遠身死一案先據福撫趙疏稱陳天漢因見吳維遠在門前栽柳復砍籬笆上前趕阻適值端銃打鳥被吳問遠從旁往奪陳天漢將手退後一扯不期火繩湊落銃門傷死吳維遠將陳天漢照鬪殺律擬絞具題查陳天漢如因吳維遠在門前栽樹復砍伊籬笆陳天漢

上前赶阻放銃打死是係挾嫌有意致死應照故殺律問擬若因吳問遠往奪伊銃陳天漢欲打吳問遠不期銃傷吳維遠身死應照誤殺律問擬如果端銃打鳥被吳問遠從旁往奪不料火繩相湊以致傷死吳維遠乃係過失殺傷應照過失殺問擬今該撫將陳天漢依鬪殺律擬罪與律例不符未便率結題駁去後續據該撫仍照原擬具題復經臣部以該撫既稱陳天漢攜帶防獸短銃往田種芋而歸適在路旁樹上打鳥因見吳維遠砍其籬笆端銃揚聲赶逐適

吳問遠看見向奪其銃陳天漢往後一扯不期火繩

相湊銃內火發致傷吳維遠殞命等語則吳維遠之

死因伊弟吳問遠奪銃以致火繩湊著銃門不得以

銃在陳天漢之手便坐陳天漢以抵命也如果陳天

漢有端銃向指吳維遠之處則銃係殺人之物不應

於忿爭時嚇試理合擬以抵償今查疏內陳天漢口

供並未承認端銃趕逐吳維遠止稱本係打鳥因鳥

驚飛別樹端銃趕鳥適見吳維遠砍其籬笆大聲喝

阻忘記手內所端之銃火繩未離火鴉吳問遠向奪

以致火繩相湊等語如果所供是實則出陳天漢耳目之所不及思慮之所不到不得謂其一言喝阻便屬忿爭本無鬪事坐以鬪殺雖不得將奪銳扯湊火繩之吳問遠擬以殺兄又豈得將不料吳問遠奪銳以致火發之陳天漢擬以抵命如其陳天漢本有端銳恐嚇實情則應取具確供方成信讞今供看兩不相符事關人命不便牽結二次題駁去後今據福撫盧疏稱逐加覆訊據陳天漢供明端銳本爲打鳥因吳問遠奪銳以致傷及吳維遠實耳目所不及思

慮所不到陳天漢應改照過失殺人准鬪殺罪依律
收贖應如所題陳天漢合依過失殺人者准鬪殺罪
收贖至該撫疏稱陳天漢事犯

赦前應邀援免等語查陳天漢收贖銀兩乃係追出給
付被殺之家爲營葬之資應照律追給毋庸援免乾
隆元年五月初六日奉

旨依議

毆子誤傷旁人身死比照過失殺利罪

刑部議覆潘氏誤傷萬文秀身死一案據貴督張

疏稱潘氏前夫周瑞臣之第三子阿三出繼與潘氏之兄楊應潘爲子潘氏欲喚阿三與伊後夫李松同居阿三不從跑脫口稱伊係楊姓養大不願往李家之言潘氏怒其抵觸拾石擲擊不意萬文秀突於門內走出以致石中萬文秀臍肚越二日殞命屢審不諱將潘氏照過失殺人律收贖具題查律載因鬪毆而誤殺旁人者以鬪殺論又過失殺律註謂耳目所

不及思慮所不到初無害人之意而偶致殺傷人者
皆准鬪殺傷人罪依律收贖給付被殺之家以爲營
葬之資等語並無父母毆打親子而誤殺旁人之正
條今潘氏拾石打子本非與人爭鬪毆打且原不知
門內有萬文秀突出適中致死與初無欲害之意而
偶致殺傷者相同應如該督所題潘氏合比照過失
殺人者准鬪殺罪依律收贖照例追銀十二兩四錢
二分給付萬文秀嫡屬收領仍遵照大學士張 條
奏律例無可引用別條比附者於疏內聲明恭候

諭旨遵行該督既稱阿三因受楊應潘養育之恩不願與
嫁母同居與違犯教令者不同應免議等語應毋庸
議再該督疏稱潘氏前夫尙有第二子可以承祀阿
三仍聽楊應潘收養等語應聽其收養乾隆二年七
月 日奉

旨依議

音赴

凡 日奉

三出雖與衆不同其外養薄劉二平小
結再結皆與衆不同夫尚百餘二千可以承厥嗣
效其同故與衆外殊今者不同與 衆結與衆

結皆與衆不同三因受其結與衆不同與

年俱幼稱誤傷致死照過失殺追銀不應照老
幼收贖

刑部據安撫孫咨稱靈璧縣陳小三被陳小二姐
擲瓦打棗誤傷身死一案緣陳小二姐與陳小三係
無服姐弟俱各幼穉於乾隆三年六月二十二日陳
小三與翟毛子陳小二姐同在樹下小二姐拾瓦片
打棗不意瓦落陳小三致命頂心偏左插傷二十九
日傷處受風至七月初一日身死訊明陳小二姐拾
石打棗誤傷陳小三偏左冒風身死陳小二姐合依

過失殺律擬絞收贖查小二姐年甫十歲應照老幼
例收贖銀五錢二分五厘應否免其入官將贖銀給
付屍親以爲掩埋之資統聽部議等因查律註內稱
凡無服尊長卑幼鬪毆至死者以凡論不言過失殺
者亦准以凡人收贖法等語今陳小二姐因打棗誤
傷陳小三身死該撫旣稱與過失殺之條相符自應
依凡人收贖法追銀給付死者之家收領未便依老
幼收贖圖內追銀入官之數給領應令該撫將陳小
二姐依過失殺人律收贖追出銀十二兩四錢二分

給與被殺之家收領仍令照例稟題可也

救父誤毆人致死未經聲明情急救父駁案

刑部會議覆李東見誤傷陳氏身死一案先據廣撫王疏稱乾隆二年二月二十日陳氏之子梁弟幹與族人梁殿元同在門前洗晒芝麻李東見之嫌麥氏挑水經過誤踏芝麻致相爭角梁殿元將水坛打破麥氏扭住梁殿元索賠梁殿元圖脫拾挑芝麻木棍毆傷麥氏偏右麥氏喊救伊子李東昇李東華聞聲奔護梁殿元用棍毆傷李東昇顙門李東華拾起伊母挑水木棍將梁弟幹芝麻拋撒梁弟幹用拳向

毆李東華李東華閃側梁弟幹打空倒地磕傷額角
李東華棄棍扶母歸家時梁弟幹之母陳氏與李東
見之父李上千各出赴勸梁弟幹疑李上千助毆遂
用拳打傷李上千右眼胞李東見見父被毆向前救
護梁弟幹拾取李東華所棄木棍向打李東見東見
奪棍回擊梁弟幹閃開適陳氏在旁致被誤傷偏左
倒地傷重延至三月初一日夜殞命屢審不諱將李
東見等擬以絞杖具題經臣等查梁弟幹梁殿元與
李東昇等角毆之時李東見並未在場共毆後因伊

父李上千與陳氏各出赴救梁弟幹心疑李上千助
毆用拳打傷李上千右眼胞李東見見父被毆上前
護救梁弟幹復拾棍向打李東見奪棍回擊詎梁弟
幹閃開誤傷陳氏偏左身死是李東見起衅情由實
因梁弟幹毆打伊父至性感發情急救護所致今該
撫止將李東見依誤殺旁人律擬以絞抵並未將李
東見果否救父情切之處詳細聲明碍難定議題駁
去後今據該撫疏稱查李東見實因梁弟幹毆傷伊
父李上千眼胞情急上前救護梁弟幹復拾棍向毆

李東見隨奪毆因擊因梁弟幹閃開以致誤傷陳氏
偏左殞命李東見應仍照原擬依誤殺律擬絞監候
并聲明該犯救父情切援例兩請候

旨定奪梁弟幹梁殿元均仍照原擬杖笞援免具題應如
所題李東見合依鬪毆而誤殺旁人者以鬪殺論律
擬絞監候秋後處決再該撫疏稱李東見果因救父
情切誤傷陳氏身死並非李上千因被梁弟幹毆打
故令伊子李東見毆死應援例兩請候

旨定奪等語查定例人命案內如有救父情切因而毆死

人者於疏內聲明援例兩請候

旨定奪其或有子之人與人角口故令伊子將人毆死者
仍照律科罪不得概議減等等語今李東見既經該
撫審明實係救父情切誤傷陳氏並非伊父故令毆
死與例相符可否將李東見照例杖一百流三千里
恭候

諭旨遵行再查該犯雖事在乾隆二年四月十六日

恩赦以前但李東見救父而誤傷之陳氏乃係梁弟幹之
母陳氏因勸阻而慘死非命在李東見救父之情固

屬可原在梁弟幹痛母之情亦屬難慰若將李東見減等又復援免似未平允倘蒙

聖恩准其減等將李東見不准援免僉妻流三千里至配所杖一百折責四十板仍令該撫向該犯名下照例追埋葬銀二十兩給付屍親收領其起衅之梁殿元除他物毆傷麥氏李東昇輕罪不議外合依不應重律杖八十折責三十板梁弟幹用拳毆傷李上千右眼胞合依手足毆人成傷律笞三十折責一十板梁殿元梁弟幹均事在

赦前應免罪該撫既稱梁殿元打碎麥氏水坛與李東昇拋撒梁弟幹芝麻所值無幾應允追賠等語應毋庸議乾隆三年十月 日奉

旨李東見從寬免死照例減等發落餘依議

捉姦誤認毆死旁人比照鬪毆誤殺旁人律減
一等杖流追埋葬銀二十兩給付屍親

刑部議覆雲督張疏稱茶六十八與左應黃同村

居住左應黃窺見茶六十八之妻字氏少艾起意圖

姦囑茶六十八之鄰婦字二姐許其酬謝撮合通姦

字二姐引字氏至山凹與左應黃成姦後左應黃同

伊戚羅老九趕街回至茶克村地方見字氏在地守

菽乃與羅老九卽就彼歇宿黃昏時分左應黃令羅

老九往喚字氏至彼同坐吃飯茶六十八查知邀同

妹夫茶二各携木棍往捉姦見字氏等拾石擲擊左
應黃字氏聞聲跑脫羅老九仍坐未起茶六十八見
穿馬褂誤認爲左應黃卽用棍毆傷羅老九腰眼倒
地復用棍毆傷手腕兩臂殞命屢審不諱羅老九被
毆手腰等處均係致命腰眼重傷係茶六十八捉姦
誤將在旁之羅老九毆斃律無正條應照鬪毆而誤
殺旁人律擬絞監候但茶六十八因伊妻字氏被左
應黃姦淫訪查親見共坐黑夜誤毆致斃情有可原
茶二等擬以杖罪枷號具題查捉姦誤毆旁人致死

律無正條應如所題茶六十八應比照鬪毆而誤殺
旁人絞監候律減一等杖一百流三千里至配所折
責四十板追埋葬銀二十兩給付屍親收領仍照例
干疏內聲明恭候

諭旨遵行至茶二合依餘人律杖一百折責四十板左應
黃字氏均合依軍民相姦例各枷號一個月杖一百
折責四十板字氏枷號收贖給與本夫聽其去留字
二姐合依媒合通姦減犯人一等律杖八十收贖均
如所議完結乾隆九年十月二十九日奉

旨依議

疑賊誤傷胞叔身死比照過失殺加等杖流

刑部會看得黃令疑賊誤戮胞叔黃才身死一案據

福撫周疏稱黃令與黃才同屋居住素好無嫌黃

才居右廂黃令住左屋中隔正房左右有小街以通

出入共街口各有小路直達田園緣乾隆十年三月

二十七日夜黃才黃令忽聞犬吠各自携械出外巡

查因無動靜均不聲張繼恐園麥被人偷竊黃才從

右邊小路赴園偵緝黃令亦從左路往園巡邏昏黑

之間兩不望見迨至溪墩埔總路黃令聞有足音心

疑爲賊潛身草堆之後欲俟走過擒捉詎黃才窺見堆後人影亦疑爲賊走至堆邊卽用木棍向打黃令卽以尖挑抵禦致傷黃才左乳下深透入內黃才痛喊黃令聞聲始知誤戳其叔忙取頭布包裹傷痕一面喊救負回時有同居族人黃信亦因犬吠起視聞喊趨至問知情由幫負回家告知黃令父黃苗覓藥救治并有附近族長黃提赴看維時黃才妻王氏見夫傷重驚慌哭喊暈而復甦黃才尙能言語隨當衆將彼此黑夜疑賊誤傷情由告知并囑付王氏倚伊

身死之必告狀語畢之後救治不痊延至天明
屍體供認不諱細加詰訊委因黑夜疑賊誤傷所致
並無別情將黃令依律擬斬立決并援引陳祿疑賊
誤砍期親伯母番氏身死之案將黃令擬流具題應
如所題黃令合依姪毆叔至死者斬律應擬斬立決
再該撫疏稱黃令因黑夜疑賊誤戳胞叔黃才致死
與陳祿誤傷伯母番氏之案情罪相同可否將黃令
從寬比照過失殺伯叔杖一百徒三年律加一等杖

一百流二千里相應聲明聽候部議等語查乾隆六

年七月內據福撫王 題陳祿疑賊誤砍期親伯母

番氏身死一案緣番氏因夫病思茶夜起取水不曾
點火以致陳祿聞响疑賊將鑱刀誤砍番氏致斃將
陳祿按律定擬聲請原情比照過失殺期親尊長律
從寬減等經臣部議覆以陳祿雖于昏黑之中並不
知爲伯母而意欲砍賊以致誤殺伯母若竟照過失
殺減本殺罪二等律以滿徒究屬過輕將陳祿比照
過失殺伯叔父母律加一等杖一百流二千里題結
在案令該撫既稱黃令因黑夜疑賊誤戮胞叔黃才

致死與陳祿誤傷伯母番氏身死之案情罪相同可
否將黃令從寬比照過失殺伯叔杖一百徒三年律
加一等流二千里等語應將黃令比照過失殺伯叔
杖一百徒三年律加一等流二千里至配所杖一百
折責四十板再查黃令雖事犯在乾隆十一年正月
初三日

恩旨以前但該犯係誤傷胞叔致死業經援案改流不應
再爲減等乾隆十一年四月二十日奉

旨依議

毆後又拆屋推墻壓死屋內人照誤殺律擬絞
案

刑部會看得謝權等推墻壓傷謝鳩身死一案先據
陞任福撫周 將謝權比照鬪殺律擬絞減等擬流
謝孝等擬杖等因具 題經臣部以此案因謝鳩族
兄謝高在己田蓋屋謝權邀同族人謝孝等往阻毆
傷謝高之子謝澤善額角等處是謝權已係鬪毆在
先而猶心懷不甘復于次夜邀約謝孝等拆屋洩忿
恃強無忌遽行拔木推墻以致墻傾屋倒梁壓謝鳩

身死謝鳩之死究因謝權橫行拆房所致其爲謝權
逞鬪誤殺旁人無疑該撫將謝權照律例無可引用
比照鬪殺律減等擬流于律例未協應令該撫再行
詳核按律妥擬具題等因題駁去後今據陞任
福撫周疏稱查謝權先因阻止謝高蓋屋角毆因
謝高不肯拆移心懷不甘次夜復同謝孝等前往謝
高屋邊遽行拔木推墻洩忿以致墻傾屋倒壓傷屋
內守宿之謝鳩身死在謝權先已逞鬪傷人繼復推
墻斃命誠如部議與因鬪毆而誤殺旁人之律相符

將謝權擬絞聲明援減等因具 題前來應如該撫
所題謝權合依因鬪毆而誤殺旁人律擬絞監候秋
後處決再此案事在

恩旨以前臣先于乾隆十年九月二十八日具 題因部
駁未結今謝權應否援減相應聲明聽候部議等語
查此案絞犯謝權先因情罪不符經臣部 題駁按
律另擬今據陞任福撫周 改擬 題覆謝權應減
爲杖一百流三千里仍追埋葬銀二十兩給付死者
之家收領乾隆十二年正月奉

旨依議

爭扭同跌落水溺死依過失殺收贖案

刑部咨據浙撫常 咨稱瑞安縣民包貴生溺水身

死一案緣章記成與夏間賢合夥販木乾隆十年六

月內出銀十兩買包上恭山木六百五株包上恭砍

伐交割章記成并同己木裝成兩排偕夏間賢運放

飛雲江南岍殺牙行劉子盛發賣包上恭胞弟包貴

生贅居瑞邑以山係未分祖業包上恭樹價不行分

給輒以章記成等盜運樹排控縣批查章記成將木

轉售夏文鰲放至北岍交卸包貴生往阻章記成站

立排上包貴生從後趕至先扭章記成左膊章記成
轉身又被包貴生扭結胸前章記成站立不穩難堪
欲倒意圖掙住卽扯包貴生衣服失足落水時因包
貴生扭住章記成胸前未放一齊墮江擦傷左額角
隣船夏阿寶看見赴水撈救章記成詎包貴生被潮
推去殞命報縣撈獲身屍驗詳飭審不諱將章記成
依過失殺人律收贖包上恭木雖自植山係未分祖
業將樹價獨得合依尊長應分家財不均平律十兩
笞二十該犯到官在乾隆十一年正月初三日

恩旨以前應行寬免樹價銀十兩除母喪償借欠銀二兩

外餘銀八兩應追一半給屍妻收領其山飭令分界

管業夏問賢並不在場與訊係無干之夏阿寶均予

省釋等因咨達經本部以承審過失殺人事件必實

耳目所不及思慮所不到而偶致殺人者方准鬪殺

罪依律收贖此案章記成價買包貴生之兄包上恭

山木裝排運放包貴生因伊兄樹價不行分給先將

章記成盜運樹排控縣批查乃章記成不候縣斷輒

將木排轉售迨包貴生趕至章記成排上扭其左膊

復扭結其胸前兩人已有相爭之勢且下水之時章
記成既扯包貴生之衣以致包貴生一同落水淹斃
是包貴生之溺死實因章記成覲面扯衣所致與過
失殺人之律不符應令該撫詳審按律妥擬具題
到日再議等因咨駁去後今據該撫咨稱查章記成
立約擠買包上恭山木包貴生是否有分並不知情
後包上恭之樹并自己山木併賣夏文鰲撐至北岍
交卸包貴生趕至排上並不理論從章記成背後扭
其左膊章記成回身又復扭住胸膈站立排邊維時

潮流湍急樹木圓滑章記成難滑欲倒危迫心慌
住包貴生衣服欲圖掙起迨失足落水章記成已經
放手包貴生時亦心慌仍然扭住不放在救援不
期一同墮江包貴生旋即淹斃是包貴生雖有扭結
之事而章記成實無格鬪之心並非因章記成覷面
扯衣以致溺水正與過失律註內載初無害人之意
而偶致殺傷人者照合章記成應仍照原擬過失殺
人者准鬪殺罪依律收贖追銀十二兩四錢二分給
付被殺之家營葬餘悉原招不復贅敘等因抄招咨

達前來據此章記成等均應如該撫所擬完結仍令
該撫照例彙題可也等因乾隆十二年九月初二日
准咨

孀姊私產用鋤柱推其就寢致傷腰眼又生一女受傷殞命部駁改擬過失殺杖徒

刑部會看得李開甲誤傷胞姐李氏身死一案先據川撫紀疏稱李開甲與李氏係同胞姊弟素好無尤緣李氏出嫁與黃雲著之子黃建中爲妻黃建中物故李氏在夫家守志乾隆十二年九月二十九日李開甲至李氏家與李氏夫弟黃在仲同宿是夜李氏私產一女自行取鋤打死李開甲聞小兒啼哭同黃在仲進視見李氏俯立床邊下體光赤李開甲促

其就寢李氏不顧李開甲以黃在伸現在門外耳日
逼近情狀難堪而伊姐赤身又不便近前摠扶羞忿
交迫倉皇無措隨奪鋤拄推李氏上床不意失手致
傷腰眼李氏仆跌磕傷額顱詎李氏仆跌之後又產
一女李氏旋即殞命李氏吟姐啼哭黃雲著之妻呂
氏匆忙奔視不知女娃在地失腳踏斃次早李開甲
浼表兄朱盛元勸令黃雲著不必報官私埋寢息經
縣訪獲屢審不諱將李開甲依弟毆胞姊死律擬以
斬決聲請未減呂氏照過失殺人律收贖黃雲著等

分別擬以杖笞具題經臣等以李開甲因胞姊李氏
孀居產女私行鋤斃聞聲入室陡見其赤身站立隨
奪鋤推令臥床不期復產一女隨致斃命是李氏失
節私產在開甲原屬羞忿難堪推令就寢並無毆打
情事其時尚有一胎未產因傷震動身死亦非李開
甲意料所及該撫將李開甲依毆殺胞姊斬決律量
爲末減旣覺未協至呂氏將媳姦生之女誤行踣斃
氏翁黃雲著恐露醜聲埋屍寢息亦非受賄翫法可
比乃將呂氏依凡人過失殺律收贖復將黃雲著以

私和定擬種種科斷均未脗合應令再行妥擬題駁
去後今據該撫疏稱李開甲因伊姐失節私產赤身
站立用鋤柱推令就寢原無毆打情事實非意料所
及李開甲應改依弟過失殺胞姊律擬徒黃雲著等
分別擬以杖笞具題應如所題李開甲合依弟過失
殺胞姊者減本殺罪二等律杖一百徒三年至配所
折責四十板呂氏將李氏姦生之女誤行踣斃應請
勿論黃雲著原無受賄骹法與私和情罪不符但不
申報官司相驗輒行私埋前已先行折責發落應免

置議乾隆十三年十二月 日奉

旨依議

七

彼此用鐮刀相戲致傷身死部駁不准照過失
殺收贖

刑部 題據東撫審理德州民劉喜罕致傷閭懷現

身死一案該撫將劉喜罕依過失殺律收贖咨部經
臣部以例內因戲而殺人者准鬪殺人罪依律收贖
等語查此案閭懷現執持鐮柄與劉喜罕捶腰相戲
劉喜罕即用鐮刀戲搪致傷閭懷現咽喉斃命其爲
戲殺無疑且鐮刀原係利刃堪以殺人若持以爲戲
必致傷人並非思慮所不到不期而殺人者可比今

該撫將劉喜罕照過失殺人律收贖情罪不符事關生死未便率結應令該撫按律妥擬具題到日再議等因咨駁去後續據該撫將劉喜罕仍照原擬咨部復經臣部以過失殺人律註內開過失爲耳目所不及思慮所不到如彈射禽獸因事投擲磚瓦之類不期而殺人者准鬪殺罪收贖律載甚明至于因戲而殺人以鬪殺論者蓋以戲殺雖無害人之意其彼此相擊爭勝之狀足以致人于死故以鬪殺論是戲殺與過失殺情罪迥別此案閭懷現執符鐮柄與劉喜

罕捶腰相戲劉喜罕用鑱戲塘致傷閭懷現咽喉其
致死原非有心但將堪以殺人之具持以爲戲以致
殺傷實非耳目思慮之所不及至因戲而殺人者或
以手足或以他物皆屬戲殺非獨比較拳棒始爲戲
殺也承審各官並不詳核案情固執前議以閭懷現
與劉喜罕兩不隄防以致鑱刀招傷卽引過失殺收
贖與律不符事關人命未便率結應仍令該撫按律
妥擬具題到日再議等因二次題駁去後嗣據該撫
將劉喜罕改依鬪殺律絞候具題臣部于乾隆十四

年十一月內議覆奉

旨劉喜年依擬應絞着監候秋後處決餘依議

彼此摟抱戲頑跌倒膝傷致死部駁以聞殺論

刑部

憲據蘇撫咨達江都民婦郭氏致傷葛氏身

死一案緣郭氏與葛氏均屬雇與張世倫家傭工同

僕婦下氏在厨摘菜葛氏令郭氏點火吃烟復將烟

袋遞給裝烟郭氏點頭不語葛氏出言戲謔彼此調

笑郭氏將葛氏抱住頑耍葛氏用手一撐郭氏未及

防備站立不穩一同跌倒郭氏被壓在下滾轉扒起

不意右膝跪傷葛氏右脇以致下體流血醫治不痊

殞命查郭氏與葛氏婦女摟抱相戲原非堪以殺人

祇因葛氏撐跌郭氏被壓在下滾轉扒起不意膝中
要害實為思慮所不到郭氏合依過失殺人准鬪殺
罪依律收贖追銀十二兩四錢二分給屬收領等因
咨部經臣部以此案查閱全招郭氏將葛氏抱住相
戲而葛氏用手一撐隨一同跌倒郭氏將身子滾轉
把葛氏翻在下面以致郭氏右膝跪傷葛氏右脇下
體流血致斃雖屬思慮所不到究係因戲所致該撫
遽將該犯依過失殺律收贖擬斷與律不符應令該
署撫詳查情形按律妥擬具題到日再議等因咨駁

去後該撫將郭氏仍照原擬依過失殺人律收贖咨部復經臣部以此案先因郭氏致死葛氏情由既因相戲而起卽與戲殺以鬪殺論擬絞之律相符該撫將郭氏依過失殺人之律收贖與律不等是以駁令妥擬今該撫雖稱郭氏與葛氏調笑摟抱其相抱之事非堪以殺人被壓之時又未曾相戲仍照原擬科斷但葛氏之跌究屬因戲而起且係郭氏膝傷右脇殞命自應以戲殺定擬該撫所擬過失收贖之處究屬未協該犯雖在

赦前俱應援免但擬罪未便錯誤應仍令該撫按律妥
擬具題到日再議等因咨駁去後嗣據該撫將郭氏
改依因戲而殺人以圖殺律絞候恭遇乾隆十五年

八月內

恩詔免罪具題臣部于乾隆十六年七月內議覆奉

旨依議

